

存素堂詩初集錄存

存素堂詩初集錄存卷十五

栢山 法式善 關文

壬戌

寄槎吟爲張秀才賦

說到江湖人我便躍然起況子天機妙一心寄烟水京口舊舊  
傳足以補國史詩標三百家刪修繼正始高卧梅花林月明四  
山紫破簫信口吹殘書隨手理釣蓬風暗送泊入寒蒹裏鶴聲  
雜橈聲一夜聽不止明晨招顧癡子餘青溪畫三里

何竹圃榕乞詩許以畫報戲贈

半生癖吟詩能得幾筆妙癡狂時慰緒仰天出悲笑詎料海上  
人竟許我同調暗室閉秋陰破月寄危隋奇詭自矜尙不應世  
徵召偶然讀我詩懶筆肆酣叫一晝換一詩飢渴庶幾療我詩

久飄泊僅等覆瓿料感君意氣豪遂爾忘飢飢

贈鮑鴻起

文達兼懷顧子餘

憶昔接大阮蕭然松下鶴小阮出谷鶯遷喬一枝託天衢踏明月携詩過客約參軍繼騷雅餘子擅述作海門最後出正聲諧管籥君性恃豪宕所學復瞻博奇氣鬱之久一發遂蟠礴相期道義砥從此勢利削細吟京口詩自慚酒力薄顧生餘書不來癡狂想如昨

宿接葉亭得詩三首呈衣園并索載軒墨莊薌泉廉堂

船山山尊同作

殘雲歸徑阻淅月高林上酒杯偶到手詩情遂孤往好官或勉致良朋實難強年年此佳會不獲得三兩青山隨在有黃葉接時習孤枕落遠夢一亭天地廣

孤亭已百年萬葉爭一綠當年初白翁襖被曾此宿秋懷我不  
淺醉眼逢寒菊主人愛我詩留我住詩屋搜句愁枯腸數典愧  
枵腹沒語自深至庶幾免塵俗

一時座上賓各各天下才當年朱竹與湯匪曾幾芳筵開詩成  
取怡悅今昔休輕猜雲影冷不動夜氣生酒杯老樹勢哭兀白  
月中徘徊吾當搗一驢日踏秋陰來

吳白厂照自大庾寄畫竹至

蘭雪句幽艷白厂思清奧都能不落紙放筆從空造我識蘭雪  
初翩翩年最少轉盼十五載長安仍潦倒白厂一官老無復春  
明到憶曾託阿兄殷勤寄墨妙君詩曾由  
令兄寄示攜就明月底展卷肆  
歌嘯野情興狂態千里相感召賈生海上來解囊著玉照時當  
雨新霽萬籟秋堂闌斜行綴紙尾竟許我同調白厂一生拙得

無阿所好修途自加勉  
虛聲恐致誚我拙與君等開函應大笑  
青驛得梅花北使一枝報

杜梅溪大令寄示近詩

讀君危苦詞動我喜歡色  
邑宰盡如君九州皆樂國  
官亦百姓耳適黑居此職  
一粟與一絲全出百姓力  
袖手無以報卽已傷吾德  
何況腹削之驅而爲盜賊  
君於筆楮外曾無一物得  
忍飢出秀句衝寒試殘墨  
清風是故人明月爲舊職  
畿南無梅樹賞雪坐深默  
但期春麥熟醉倒桃花側

朱青立昂之許寫詩龕圖

古今一畫境人苦寫不出  
中歷數千年費却幾枝筆  
朱生有畫癖蕭然坐石室  
置身畫之外畫理斯無窒  
江天渺萬里落紙風雨疾  
山青與水碧生氣指間溢  
不作山水觀開卷豁何術

石田暨徵仲有作西涯圖茶陵讀書樓轉眼全荒蕪詩龕卽其地春水仍平湖門前載酒客多半烟波徒點綴入丹青傳寫忘爲吾君肯寫君意胸早詩龕無空塔秋雨聲瀟瀟生竹梧

送王子文秀才遊衡山兼懷清泉李舒園明府

昔年杜子美載詠衡山詩生平雄傑氣兩詩具見之君於嗜詩外掉頭百不知今從塞上歸章句增瑰奇秀色餐未足買棹湘江湄我亦癖山水無術謝絀羈

內府衡山圖今秋曾手披

今秋奉校羣圖書筆

但覺浮來烟縹緲無定姿

千岩納宿雲萬色生晨曦計君履其地正際春融時朱鳥鏡中翔王女窻間窺側聞清泉李作令如作師兩年不相見佳句未我貽峯頭值回鴈煩寄梅花枝

祭詩詩和素齋

祭詩我寫圖不過孤情寄門風君家擅瘦句別新字歲寒具酒  
脯千古此情淚詩從肺腑出肺腑方寸地梅花不成林破月荒  
庭墜山寒色初斂野鶴松間睡門外催詩客燈昏猶屢至爐香  
燒未殘詩人已沉醉

訪陳旭峯之綱助教先之以詩兼懷徐后山昆員外馬

秋藥給諫

黃葉吹滿庭僮僮積未掃君乘蒲筍車訪我來何早君詩取適  
意力至去煩惱使筆極奔放知君不衰老松筠重晚節奚以歲  
寒保

隔巷招徐陵岫北鄰呼馬遠秋詩狂談儘荒怪妙畫取清婉我偷  
半日閒行將步涉阪不飲菊籬酒要餐松閣飯一官久不遷於

君何增損

朱蘭巖瀟明府貽六安茶

才名遜東坡嗜茶有同癖七碗雖不堪頭綱頗知惜食肉方持  
誠時菊聊取適故人情味永屢展秋苔屐萬葉春烟濛林陰煩  
手摘籬材那辯此但解澆胸膈清泉涸山池竹爐炊廢宅松柴  
餘幾把活火撥霜久涓滴西涯水用以濯詩魄夢迴瓦甕響服  
破磁甌碧註經與作譜徒爲筆墨役療渴倘著功一餅願仍借  
送陳石士編修旋里

我交師廬陵我詩祖柴桑浸淫三十年未敢云升堂君於二家  
學甘苦胥親嘗前歲登瀛洲揖讓柯亭旁昔岑本一氣形迹能  
相忘風雨肆嘲謔文字同商量置我莊嶽間常有換骨方豈料  
烟波人時時思故鄉挂帆期迫促對酒心徬徨鷗孤悵失侶柳  
老愁無行青山萬里色來往胸中長詎得仿葛洪乞令匡廬陽



萬杉懸厓岩數梅指修廊欲讀萬卷書先儲十載糧仙砂可弗  
庸甘菊貯瀟囊君乘白鶴來三日松林翔丹文與綠字一一覩  
端詳

題雍正丙午順天鄉試錄後有序

余輯清秘述聞積三十年而後成中缺四科同考官  
姓名致書十五省學院復於每科會試公車抵京展  
轉咨前二五年來吳江陳芝房學正毓咸寄康熙丙  
戌會試錄至中州藩司方保厓維甸寄康熙己丑會  
試錄至新安令杜梅溪羣玉寄康熙壬戌會試錄至  
遂得陸續補梓惟茲錄闕如直隸各學官遍訪不獲  
一日宿吳衣園前輩接葉亭語及翌日持一冊至即  
此書也披閱一過如獲異寶賦詩以紀

紹興醫寶佑兩傳登科錄朱子與信國前後姓名熟清秘述舊  
聞詎取炫流俗亦謂備典常一代彰輝屬搜索三十年幾番窮  
龜卜九州訊已遍四錄末由續沾蘇更洛陽近各尺書辱茲錄  
梓京北滄海遺珠獨遲遲今又久接葉亭留宿太史博羣籍曉  
綜到殘幅開編指示我蕩心遂豁目譬如凡旱久大雨轉溝瀆  
又如遊名山婉孌前峯囑生平抱缺陷頃刻爲補足古人重陰  
德事微尤所最偉彼女媧功區區一卷綠

楊蓉裳貽骨種羊帽沿

昨讀舊唐書心與拂林羊骨種與穀種究莫書端詳鐘鼓振以  
起胎卵反其常物但貴適用奚事多評量義我冠蓋流置爾貂  
蟬行破帽二十年絮敗行自傷舉彈亦偶爾豈料逢王陽素絲  
耿遠懷烏雲敗曉涼挾琴事或雅換酒毋乃狂柳禿菊漸衰漠

漢秋原荒誰與方山子行獵盧龍疆

僧寮聽雪

寺深惟有樹入夜益孤清松葉偶然響栖禽時一驚隔窗猜月上歸院少僧行侵早開門看誰知雪滿城

劉松嵐州署關新園作詩寄示答之

近聞關以東民和由歲稔長官日無事高齋足幽寢五畝構新園三年節俸廩山空見嬾嬾松陰坐清凜石青浮差差雲白吹淄淄寒垣霜雪早魚潛更鵝鵝耽閒君閉戶賞奇客伏枕抗懷讀古書卑禮獎寒品賣花儲到門問字人接衽松韭妙及時葵菽不失餽杖履帶草香襟袖餘墨滿固是示別裁要自擅異稟我久困衰病萬事付嬾嘿塵境輒忘棄下筆少研審故交零落多晚景頽唐甚感君意興豪敢以詩相諭

松風代王子文刊秋水集喜而賦此

仲則與少鶴詩集君梓行士林感高義二子死猶生傳聞王秋水跋涉寧遠征想當負笈來足痺還肩頰君時坐西園佳句無人廢留客宿南軒遲意摧強勅閒軒坐兩月侯也巾懷傾王生落拓人富貴非所爭胸中鬱奇氣發而爲音聲當途知者鮮生益傷孤惻侯謂救生急莫若成生名薄薄一寸紙款款千載情生昨過我廬忍餓仍長鳴方欲挾詩筒襍被遊南衡殷勤祝劉侯早樹湖湘旌

答顧夢菴兼懷張寄槎王柳村

豫舒鐵雲王仲瞿孫子

瀟

成名天所忌抱道貴自適心與世相忘乃不爲形役書來叙離別知屢遭困阨來書自古情至語中必無色澤君家江之湄尚

有先人宅種竹是良圖看山果長策偶爾新詩成寄我秋堂夕  
昔年看花倡半作聽猿客西涯一片雲恨有黃河隔時藉明月  
光照見長安陌魚雁不可恃風雨將奚責

久不接南中朋舊音耗寄懷東旭亭穀人竹橋杏江稚

存惕甫小峴蘭雪香杜祥伯春木手山兼示味辛劍

潭暨硯農

元根

蘭士昆仲

詩龔讎遊人十年半零落諸君退以義江鄉欣有託而我鬱鬱

久飢寒况促迫苦吟類寒蟲怯舞比病鶴去歲暑雨多秋水浸

溪釣遂致西涯花今歲亦寂寞謝泉

荆山船

屢窮困李杜楊夢志

澹泊惟有周

鼎

與吳

山酒狂尙如昨

青山跌宕仍白髮侵尋各

諸君日高卧無事勞腰脚老梅一冬看鮮魚每飯嚼尋幽借釣

蓬搖搖遠城郭詩成寄京國剪燭煩裁創新漲阻寒浦雙鯉字

拋却夢中聞打門黃葉聲又錯

二何

石農士

以憂歸暫屏人間事春明偶一來文讌絕不至趙

味

汪錕持手板鞠躬非其意經年杳音聞想皆作循吏我獨騎疲

馬日日走街肆入直

南薰殿得畫窺中秘前古逮後今九天復十地圖畫所到處綜

括成文字深悔記誦少對此背芒刺疑難欲質問雲山付瞻企

槐陰半日長酷暑那敢避鑽研如蠹魚萬卷泳游恣恐僅故紙

緡弗克典章備尙望直諒友異聞一筒寄郡國利病書

顧交三武撰

才圖會志

王圻撰

他日茲編成兩字總見戲

顧書浩博賅洽惜後無賅綜之者王書則

戲兒戲矣

### 溪上

雪殘旋作雨溪上乍晴時柳暖春先覺鷗閒冷不知夕陽數峯

見芳草一年思歸路逢漁父殷勤勸酒卮

寒夜

畏寒深閉戶排悶淺吟詩客邸有高枕鳥棲無定枝家貧書局擁病退藥猶施忽聽雙扉響山人約賭碁

歲暮

不知歲云暮何事最相關馬老漸忘瘦鶴飢時得閒竹聲寒作雪雲勢鬱成山怪底忘生滅適從僧話還

春來

春來客不知河柳綠差差白髮欺人老青山入夢遲校書聊自遣彈劍欲何爲又見東塘月依依簷際垂

緩步

閣迴曉來登寒雲壓幾層林空還墜葉溪響不成冰天外飛無

烏烟中坐有僧翠微最高處策杖我猶能

閉門

但有梅花看何妨長閉門地偏車馬少春近雪霜溫老剩書藏  
簾貧餘酒在樽說詩三兩客往往坐燈昏

鐘聲

鐘聲息羣籟酒力入新詩吟苦愁偏遠神清睡獨遲前身明月  
悟心事水仙知憔悴溪邊柳春來綠幾枝

有談湖湘之勝者紀之以詩

山水緣雖淺東南勝頗聞遙情都寄月懶意偶同雲中秘圖書  
校湖湘道路分託言採香草去訪洞庭君

臘八日訪仲梧元圃

粥香憶隔年琴響聽泠然詩味與之永禪心時一圓慣同梅在



伴只有月相憐兩岸西涯柳先春已着烟

路經西涯題寄仲梧

石橋向西轉一寺隱高林  
蘚積寒塘路松留古殿陰  
碑欹誰繫馬鐘罷不鳴禽  
白石翁題字何人骨雪尋

王春波爲李愚莊畫我眉山圖

金陵王郎好手筆畫山山髓  
能抉出乘興偶寫我眉圖  
虛堂倏忽雲模糊諦視林巒青可數  
石詭樹奇增媚嫵天風直向峯頂來  
吹側冰壑千株梅老僧炊飯坐屋角  
花香撲鼻心不覺有客當年此浪遊  
自言六月身披裘曉日佛樓紅十丈  
揎袖題詩神采王自從索米來長安  
低頭未得芙蓉看王郎不惜三尺絹  
怏江劍閣參差見我亦有志名山棲  
高曠如此何年躋春雪濛濛作寒綠  
短夢初醒剪殘燭恍惚身到我眉顛  
潏然落枕鐘聲聞

題畫

南田筆法參倪迂畫師近復稱三朱

野雲素人靜

蒼古當推夢禪老

盛哺馬蘇張王詩筆都好何郎埔詩工畫不工三年不見神

鬼通手持畫冊索我句且告劉生知畫趣廿年放浪徂嶺跨

驢歸踏梅花烟書卷琴囊位置妥廊廟江湖無不可我亦人間

好事人購書蓄畫家長貧一時畫手爭相識我詩能爲畫出力

聽仲梧彈琴夜歸賦此

彈琴不知琴在手此聲直爲天地有萬物相遭皆偶然非桐非

指還非絃我來適值明月上一寸清光萬里湧主人愛客憐客

癡不談經濟惟設詩窓外蕭蕭木葉下簷禽瑟縮猿啼飢燈花

黯澹作寒綠竹爐焙火松風吹豈但富貴比雲幻神仙不死終

何爲一盂香粥一碗茗丹砂石鼎無心窺鐘期蔡邕長已矣請

問今日知音誰主人推琴客無語溪上雲深歸路阻

癸亥

王淵花鳥

黃筌花鳥世罕見淵也師之妙獨擅錢塘江上春雨時草閣垂簾寫東絹王堂既遇趙承旨下筆不從紙上起石闌日暖午風和豪門爭邀王若水王郎自吐胸中奇後人愛重非所期五百年落謝公手城南飛騎催題詩我知萬事皆雲烟東塗西抹顛復顛詩成正恐世傳播夢中不意逢王淵

唐寅江深草閣

晚涼人白雲情露滴高樹濛濛水氣中不辨江上路但期醉吟客攜琴和新句徙倚石橋側窺人兩三鷺唐生放逐後動輒與世忤散髮秋草廬好詩不敢賦胸中沉鬱氣往往畫中遇同時

石田翁獨擅林壑趣生乃敢抗行尹邢得無妬此筆師李唐烈  
放見樸素無意作姿態恣態益呈露江南我未至覩此生邂逅  
高懸破壁間日望扁舟渡

周之冕花卉

胸中奇氣消不得筆力往往借酒力世人那得知其心但詫狂  
生工奮激怪哉吳士周服卿殘衫破帽人媢輕片紙流傳入中  
禁長安價重豪門爭道復叔平長已矣此筆遂歸少谷子吳繼  
展向晴窗看一陣東風吹欲起

夜坐

樓頭鐘不打枕上夢何遲饑鼠喧空壁昏鴉怯晚枝春寒頻喚  
酒語澹不成詩忽憶江南客三年怨別離

飲酒和丁春水

學川韻

酒人有別趣歲盡不知愁破屋一樽在長城五字留風催梅吐  
氣雪折柳低頭還是閉門好草堂諸事幽

吟詩和丁春水韻

却病還須酒消愁只有詩一年春最好無事老相宜江柳逢人  
問河魚隔歲思西涯訪吟侶誰是李賓之

祭硯篇爲野雲山人賦

以硯爲田者四海豈獨子拳拳報本心仿古修禋祀寒家酒醴  
薄無事侈邀簋梅花插滿瓶濯之清泉水硯神固有靈三獻神  
斯喜終年受君磨礪然藉礪砥毫禿更墨殘鐵亦穿破矣感君  
憐舊侶不忍遽棄毀更當出餘力佐君寫萬紙吁嗟古石友感  
切未逾此哉年行五十無田種菊杞倚硯作生活衰鈍貽爾恥  
偶際新詩成挑燈狂草起心血嘔幾升硯兮實終始祭詩祭硯

同

余有祭詩圖

詩龕畫龕

余有詩龕君亦作畫龕

願合兩家圖雜置一龕裏

又恐蒙適流笑把酸寒指

松嵐州牧以西園落成詩示余既和寄矣野雲山人愛

之寫圖乞余書前詩更爲賦此

西園我未到風景却能說袁生竊嘗宿此寫圖記離別生亡圖亦亡念輒中心結聞君除蕪穢務使纖塵絕堂堂動洒掃一如束身潔心苦物力省中恬外緣滅青山借遠勢開窓萬岫列城角落清笳松梢響殘雪晚閣夕陽明高天歸鳥悅坐令沒蕩人富貴有不屑使君題成詩筆筆叅畫訣怪哉朱山人詩中三昧泄神仙丹九轉國醫肱三折詩畫皆技耳中自有巧拙此畫與此詩費盡幾斗血

溪上

春到柳邊早綠從溪上分無烟不成雨有水即生雲老馬思誰  
聚曉鶯時未聞過橋訪禪侶閒話坐斜曛

韓城相公歸里奉次畱別原韻

天眷深同

主眷深狀元宰相又山林廣庭大木畱心擇老圃秋花任意簪  
健筆勢分雲日色雄文調協鳳鸞音歸田不比陶彭澤蕭散柴  
門託醉吟

老臣不敢說忘機晚節由來惜寸暉某水某邱猶歷歷一琴一  
鶴也依依入林且聽雙鳩語款

闕仍歌四牡驂九老香山續佳會補圖誰是陸探微

閏四月四日邀同人極樂寺看花春寒尙重花多未開詩  
以催之

杏花畏春寒閨月猶未放我欲詩催之恐花與詩抗特招數鉅  
手花間決一仗各欲騁吟懷無暇較酒量花雖不語言已具輪  
服狀頗肯出姿態翩然一枝向我本孤冷人久矣榮寵忘索句  
岑寂境地得高曠花時看固佳未開氣實王恐到爛漫時翻  
增人惆悵夕陽山外明澹雲空際漾官柳綠河橋晴色十里望  
溟濛烟水中城郭江南樣

初五日極樂寺會己亥同年

京師會同年往往在正月會必有鼓樂藉以宣愉悅茲時屆春  
半選勝取幽潔城西園花堂萬柳春城按年年燕子飛我來杏  
下歇看到夕陽時不忍與花別今年氣候遲二月猶雨雪朝官  
職事勤期會難豫決休沐幸有暇敢惜芳樽設水寒尙在衣林  
綠已上葉看花必紅紫芳菲太漏泄天心醞釀深遲之不輕發



叉手步空廊  
吾自安蹇拙

三朱山人歌

千才百藝羅京都  
畫手一時稱三朱  
詩龕雅興無時無  
山人墨客來于于  
青立品格如青梧  
作畫不與作隸殊  
捫之點墨鋒稜俱  
野雲暗潔今倪迂  
爲我數寫雲林圖  
高張素壁疑可呼  
素人瀟洒怕束拘  
三年兩年不抹塗  
興到鉅幅成須臾  
皆喜訪我城北隅  
芒鞋竹杖溪頭徂  
過橋不倩兒童扶  
我已先貯墨一壺  
東絹三尺南榮鋪  
入室沉香燒在爐  
人聲寂莫筆聲麤  
西山一角青模糊  
起視桐陰猶未晡

爲鄭勉齋敏行侍御題畫

高雲不落地  
渾綠滋層林  
白日松濤喧  
時復鳴幽禽  
坐令澹蕩人懷此  
山水音敷奏  
豈無具溫飽  
非初心諫草雖日焚  
拍膝耽

孤吟何時選佳石就子彈璫琴笑我太迂拙坐老梧桐陰

次韻贈丁春水

萬事偷閒好奇才忍餓難春愁江路遠詩夢草堂寬燕不憎花  
晚魚原忘水寒似聞持節使今日有歐韓擬薦春水于治亭  
芸莖雨中丞幕中

次韻贈莫交陽承澤

歲月回頭失壯遊如此難老仍詩筆健貧只酒杯寬萬樹春烟  
重一庵山月寒君才方買島我獨愧稱韓君有紅走夕陽波句  
余易爲上字遂有莫

又陽  
芝日

再用前韻自贈

百年已強半五嶽遍遊難心定功名薄官清進退寬石休嫌醜  
怪竹自任荒寒却嫌撫衣客登堂道識韓

新晴

夢裏驚寒雨蕭蕭亂竹聲詩從天外得愁向病中生濁酒遠攜  
至奇書剛寫成撥簾問童子溪上可新晴

晚坐

客愁消酒半暝色暗燈初細雨含沙重春雲壓水虛頻看遊子  
劍時把故人書聞說城西雪今年沒草廬

松間

三日松間住行行阻斷蹊杏花微雨後僧屋小橋西樹老春無  
色山深鳥不啼登高縱遊目一片草萋萋

巖居

嵌空好巖岫古木半杈桮秋水浮來石春陰散作花夕陽明柳  
色新綠暗蒲芽欲訪漁翁去無心問酒家

訪友

村近炊烟見天空木葉聞山依樓背起水到寺前分竹客時聽  
兩松高不受雲穿林訪吏適誤入鷺絲羣

漁翁

漁翁不知路日逐水東流入夜侶明月多年狎白鷗開樽便期  
醉吹笛忽生愁從此蓬窗底時防歲及秋

草堂

草堂日無事翰墨卽生涯寫竹筆雙下哦松手八叉繩床支近  
水茗碗置依花藜蘿吾方飽城頭數暮鴉

西園

誰及西園草春回便爾青引人來極浦送客到長亭細雨寒烟  
在斜陽古道經官橋看柳色新綠隔漁汀

觀碁

袖手固然好平心大是難先幾誰了了前路總漫漫不肯出奇  
計如何成壯觀無言甘寂寞方寸少波瀾

清明日莫夕陽丁春水同作

杏花風信到清明一路炊烟接禁城衣綠隔年疑柳色酒醒何  
處是鶯聲過江草又逢春雨垂老人多愛晚晴溪上碧桃待催  
放座中好句孰先成

村晚

芍藥花時置酒樽野人三兩候籬門鶯絲也愛斜陽好淺水寒  
沙負薄暄

題畫

半放桃花似野梅石橋春水一時開詩人畢竟緣何事每到斜  
陽獨自來

溪行

聞說前村花已開  
溪行怕誤滑蒼苔  
青筠慣識斜陽路  
攜向棠梨深處來

存齋詩初集錄存卷十六

柏山 法式善 開文

癸亥

送李松雲堯棟太守之任徐州

又到莫愁湖湖山識客無民思賢太守官軍舊師儒白髮誠難  
遣黃河尚易圖板輿得親侍匪直戀葦鱸

題朱青立畫

竹外是桃花漁家復酒家孤舟聽風雨晚市賣魚蝦雲起前村  
失山橫去路差小樓容我住不事乞丹砂

春雨

後床對春雨衣袂漸生寒屋背花金放溪頭水忽寬小樓歌枕  
聽午夜捲簾看菜價明朝減貧家得飽餐

雨晴尋春

何處尋芳好花邊更柳邊  
白雲寒到水青草暖生烟  
古道春沙溼孤村夕照偏  
農夫聚三兩飯罷話豐年

答何蘭士朱野雲

如此好風景出門何所之  
愁來但歆枕春去不吟詩  
鳥自憐人拙花寧惱客痴  
徘徊松下叉手看彈碁

出紅石口抵黑龍潭

殘星沒遠天澹霞吐春水  
一角畫眉山嬈嬈長林裏  
路出紅石口行行且十里  
晴飈捲地來朱閣凌空起  
中有神龍宅萬民沐靈祉  
我來拜宇下清波絕塵滓  
一魚來蜿蜒非魴亦非鯉  
僧言此卽龍遇者生歡喜  
我本落拓人久自甘龔鄙  
豈其冥漠中明神特垂視  
傾我負耜顙不僅爲一已  
麥隴青復黃幸澤誠廣矣



甘霖沛崇朝立殲逆賊死我當隨農夫田間事耒耜

山黑龍潭至大覺寺

路轉畫眉山一村灣復灣人家松樹底酒旆夕陽間牛犢碧陰  
臥燕衝微雨還道人灌園罷叉手藥畦閒  
恨未攜琴至空聞流水聲古人不相見山月此時明松老僧同  
瘦竹陰天自晴烟蓑恐無分徒抱著書情

憂古願吾儕殘碑手自指石香借泉漱笏稚任花埋厨積舍霜  
葉爐燒帶薛柴丹砂不須煉梨棗略安排

憶自經秋雨廊歎竹樹蕪花開幾人到春去一詩無雲氣連村  
暗山聲八夜羶牡丹紅處屋遲我十年租

宿大覺寺和謝薌泉韻

誰指寒梅是後身旃檀信宿憶前因山中見月愁先忘老去看

此意倍親萬事不堪一回首同時竟得雨閒人破窓半夜涼  
雨明日溪頭看翅塵

### 八山贈碧天禪師

山路不知遠白雲隨我深泉聲滌塵夢花氣澹禪心櫻筍此時  
好猿狙何處誘同來古松下坐看日西沉

### 紅石口早行

侵曉出春城殘月城頭挂濛濛隔岸花妙筆不能畫花片紅成  
泥時惹幽禽啼酒家問何處指在雲峯西長柳拖烟搖婀娜  
山芙蓉青萬朵樓丹屋碧闌黎家不種桑麻但種花石橋板橋  
踏幾徧山影溪光千百變林深綠重曙猶昏行到塔頂日初見

### 法雲寺

日上青龍橋雲斷金山口破砦多野花孤村少美酒櫻桃已吐

杏子黃夾道十里聞酸香短竹森森剛過牆綠陰遠近生微涼  
匹馬繫寺門老僧向客揖蝸蝓簷際飛鷺絲池上立樓頭風過  
清聲鳴隔窗送到山泉聲怒濤一片出松頂撲滅佛前燈火影  
領要亭晚坐和壁間韻

野花不辯名紅紫都可愛樵夫行白雲折取一枝戴我生不能  
酒山色飲已醉待月踞松頂聽泉坐竹背仙鶴忽長嘯滴落滿  
身翠童子呼不起酣抱石頭睡

### 鷓鴣谷

鷓鴣已飛去春水猶送影我隨飛鳥來不覺踰烟嶺石苔綠一  
天土花紅半井危澗躍身過回頭悔力猛設使計較生焉能奇  
妙傾松陰五畝寬日午坐猶冷

### 桃花峪

有芳室易身金卷之三  
三  
峪以花得名我來花已謝萬葉水陰共一村山綠借雪中雞犬  
聲時時見茅舍亦有白髮翁柳陰半背跨望見塵市人欲語每  
驚詫翁喜麥將熟不復辯春夏陌頭幾回醉村酒無重價約翁  
明歲春趁雨花開乍松柴肯爲燒笋脯行當炙移榻明月中看  
花住三夜

### 白鹿巖

山中積烟霧日午氣始晴芙蓉千萬朵是誰斧鑿成仙人騎白  
鹿來往岩際行靈砂偶落地蒼檜凌空生盤旋幾千尺鬱此風  
霆聲怪禽喧不叫流泉激以鳴誰攜玉琴來寫此泉石清老饕  
厭飽舉但解餐笋纓

### 隆恩寺

地氣鬱獨厚山色窮孤稟燕都遊覽志述此原詳審西溪三日

雪老鶴不知漂軒畔古梅樹一枝稱神品江南騎驢客繞樹時  
際望我來訪遺蹟掃鮮涼泉飲僧雛半痴聾無復梅花稔或當  
殘臘時石龕借一枕

唐陶山州牧抵京

南居懷未遑西涯欣屢至不見茶陵翁陶山實同志潦倒翰林  
官蕭散淞江吏一別輒十年時落懷人淚昨聞君優擢狂喜夜  
不寐却爲梅花留雪帆寒浦遲閉門適養疴日倚孤松睡僮子  
報君來猶疑夢中事日髮各在髻青雲略無意細詠桃花詩修  
然如仙館并刻載展衡山記重鵠宋陳田夫南岳總勝集淒涼萬古情艱苦  
一松寄我亦抱殘經借榻慈恩寺風滅佛爐火霜折僧竹翠惟  
有積水潭年年薦荷芰

邀陶山遊西山

心宵欲開拓境界須閱歷蒼莽九土烟咫尺無由覲君行半天  
下振衣寒綠剔我年與君等終歲伏櫓擁鶻歸夫誰怨何日謝  
羈勒西山近郭門夕陽萬松櫟佛廬春發花野水秋生荻石怪  
寫不出泉幽聽愈激茲當櫻桃熟約君去飽喫鮮磴赤雙足水  
來任蕩滌燈昏響疎落月明撼涼箔窓外芭蕉聲蕭蕭似雨滴  
借問江南客此景何處覓

題劉榮黼畫蘭卷

幽人寫幽草作意取荒寒秋影空山裏月明君獨看偶從林外  
求知者竹太蕭疎梅太野只有瀟湘最冷雲空堂向爾襟衫寫  
偕唐陶山謝薌泉楊蓉裳吳山尊何蘭士朱野雲出極  
樂寺抵李文正公墓下作

風微不惹塵林淺却藏寺鷺綠被烟飛雪外一重翠牆陰曉曉

定轉鳴新蟬學語猶低聲鐘磬不響爐烟清僧離樓背偷山櫻  
我來掃石坐巾烏映皆綠土花紅上衣初陽升佛屋官問都有  
江湖思多情誰是李賓之石廩諸峯渺難見萬樹松濤闊一殿  
西涯小集餞陶山之任海州蘭士野雲卽席作圖余爲

題後

約君遊海子

西涯舊名海子

君向海州行待種花園郭先隨鶴入城海

鶴一帆雲外數百感酒邊生白石翁誰是詩成及畫成

沈石田爲某陵

作西涯圖

藕花香不語紅上客衣來石畔榻重掃鷗邊門自開漫驚頭上  
雪且盡手中杯問訊官塘柳何如野店梅

櫻桃紅幾度又到送君時寺廢誰移竹

西涯有移竹圖

吾衰怕咏詩新

蟬噪風急病蝶出花遲魚菜無錢買由他食肉啞

聞說橫塘路桃花繞墓門請移三兩樹分種畏吾村春雨人孤  
往青山價莫論鴻飛定何日要認雪泥痕

五月四日爲謝薌泉生日前一夕賦

石榴花下初三月照見君家畫閣杯老樹又看春葉改貪官最  
怕節錢催遊山路具平生槩咏藥能消幾許才報道葡萄新結  
子先生笑口忽然開

讀樊學齋文集

奇文無他巧惟在說理透况論古人事尤忌語遷就堂堂樊學  
齋春雨萬蔬秀主人退食暇踈簾澹清晝政書暨御史反復日  
研究古人去我遠不幸畱鯨漏勉強附和之何以懲悠謬片言  
折其衷力挽習俗狂菩薩心慈悲風霆筆馳驟照手施丹鉛焚  
香辨句讀碑與柳雅猶嫌大刻鏤天然去斧痕一氣妙結構



推敲豈弗擅恐人誚寒瘦

雨過

殘滴尚響竹久陽紅在梧落花鋪遲滿熱客到門無蝸細盤衣  
上蛙涼隔水呼居然城市裏畫出野村圖

夜坐

暑氣散林莽清光生座隅草間百蟲語花外一螢孤多病藥頻  
嘗無錢山不租瓦燈蛾撲滅明月滿床鋪

畫魚

蘆葦聲繁秋水急大魚掀波作人立捷鱗擢尾龍門來九天駘  
蕩風雲開辨族非魴亦非鱖得意扶搖九萬舉今春撒網隨漁  
翁斜陽掩暝千鱗紅我忽觀之慘不樂腹飽安忍彼湯鑊老饕  
寧甘三日飢悠然縱爾遊溟池何人畫此有生氣妙處丹青不

多寶天陰高挂素壁頭水烟江影橫空流住公往矣誰汝飲  
勿飛去吞人舟

廣慈菴晚坐

山色城頭暝雲陰殿角齊綠生蒲褐重涼入葛巾低螢照自清  
夜蟬吟無定棲登仙吾不願何事藉提攜

懷遠詩六十四首

翁覃溪學士

博學高文重當代諛墓之錢從不愛卽今病卧東山顛破窻風  
雨似青氈議論古今少所可憐才未肯徑遺我苦憶說詩蘇米  
齋夕陽容易移秋槐

許秋岩觀察

登壇中饋親調羹進版每逐昏鴉聲淮上書來詞排惻萬古傷

心幾行墨東南所患民其魚君早飽讀河渠書豈獨文章救衰  
靡黃河清同一笑矣

洪稚存編修

衝寒一騎凌邊霜歸來萬里詩壓裴豈有才高不畏死愚慙都  
由讀書起世論文成酒助多一枝大筆青天摩海外奇山遊亦  
遍詩是古人題創見

王惕甫典簿

厨下時復炊烟艸堂上歌聲出深雪公卿動色才名誇至今猶  
未簪官花歸舟播向鷗波去紙帳蘆簾讀書處登樓北望黃金  
臺萬馬都逐秋風來

吳蘭雪博士

其人如蘭心比雪幽香萬古性情結六朝麗句今茂除孤鶴守

扉間讀書寒夜苦吟却誰見弓衣傳繡新詩徧瘦竿畢竟不可  
餐好山湖上騎驢看

吳穀人繁酒

相逢但見先生笑却寫新愁成絕調廊廟何曾異江湖寵辱胸  
中一點無朝宿吳山暮越水浮家閱盡東南美松下哦詩今幾  
年月明醉聽秋濤圓

前年同宿翠微山  
新松月間賦詩

趙味辛司馬

周旋中規折中矩閉門索句心獨苦尙書清簡詎敢忘一生悔  
不登玉堂白髮青州老從事磨滅填胸五千字手板僂僂謁上  
官路旁誰作詩人看

汪劍潭司馬

瀟灑不似寰中人一枝筆掃千秋塵揮鞅詞場三十載少年結

習老頗悔槐市賣字心焉傷爲貧又復監官倉藏書盡付兩兒  
子君請真情百姓理謂兩郎君全泰全德也

李石農觀察

長安過夏棲僧房常書畫謀春糧門前幾輩問奇字豈擾先  
生夜不睡春風吹上紅綾筵宮花報捷酬無錢天台雁宕茲遊  
熟書來猶問西涯竹

汪杏江庶子

出山入山胡不深白雲來往眞無心四梵神通我未見六道輪  
迴倏馳電野梅花下邀山妻遠勝踏雪詩僧攜月笛烟莎世有  
幾老翁春醉沙塘尾用楊樸事

王述庵侍郎

少年操筆政事堂晚歲參禪蒲褐房九州豪傑都結識蠻烟瘴

雨皆文章黃金到手用書用白髮盈頭尙豪縱可惜徵來湖海  
詩挑燈日聽門生誦

鐵冶亭撫軍

玉皇香案兩仙吏並馬灤陽訪秋寺卽今衣鉢傳有人門下門  
生總清秘泰山雲氣春飛揚文星下奪明湖光誰取中州集手  
訂梅花開遍惟清堂

貧賔谷運使

梅花陰薄山吐月官閣吟聲時未歇十年飽看蜀岡雲一竿夢  
釣西溪雪王揚州後廬揚州誰能一字一嫌酬題襟館大亦如  
月孤寒八百來從遊

玉達齋制軍

南舟北車幾萬里自家九流供驅使庭旆無聲官閣嚴海遶東

南不敢起憶前酒墨寄亭間寫盡深陽千疊山年華如水誰能  
挽我亦蕭蕭鬢髮斑

阮芸臺撫軍

經濟文章妙兼擅求諸古人不數見海風萬里吹樓船破賊歸  
來滌詩硯一榻舊同秋史齋秦權漢布親摩揩故人墳上已秋  
草零縑未使塵沙埋余燕江秋史遺詩君輯  
誰海英靈集爲錄存之

秦小峴廉訪

吳蓬欵客聽春雨筆聲搖動健於鵬越水湘水遊十年一帆歸  
去老漁伍結習難忘文字禪茶鐫藥甕筆牀連好是有詩頻寄  
我墨痕猶溼春江烟

韓旭亭丈暨令子桂齡對廉訪

清比梅花瘦比鶴一枝筆從九天落兒輩才名四海知老人猶

自安貧約爲看紅葉西山西穿林會不青節攜飄然已逐野雲  
返我尙尋詩未過溪

借遊潭柘龍潭  
翁步履最捷

### 劉松嵐觀察

四海知君我最早一官未免傷潦倒只有耽詩性不移收盡人  
間未完稿沒齒感恩誰得知孤寒生恨識君遲才人心血江山  
色都被先生被濯之

### 李松雲太守

髫年文筆世已重黃堂慣作青山夢吳江花草泰岳松蘿却先  
生幾清俸海棠時節住僧房荀蔗延賓願未償官清那有梅花  
贈漫與詩篇驛遞將

君約僧廬看  
海棠未果

### 李載園州牧

桃花水漫西沽村騎馬遇我天津門夕陽却趁晚紅迴醉墨寫



向春烟昏前身君是老梅樹偃蹇猶堪見風度填胸南海古波  
清老去筆頭泣秋露

吳竹橋太史

一生最怕染塵俗廿載湖山春睡足聞說先生髻仍綠梅花時  
節寄書來書來已屆桃花開讀罷輒復思千回蒲帆安得虞山  
買南望喜當秋竹矮

徐鏡秋太史

城根瞥見桃花紅石橋西去尋詩翁謂錢南水亭却與雲林通  
計自舟車判南北兩年不接一行墨夢中時見君顏色田園荒  
燕松菊存燕飛只認王謝門

汪瑟庵學士

青袍鶴立槐花黃佐君課士彞倫堂先生二目真十行文星光

齊院江月秉筆森嚴同秉鉞更有何人敢請謁桐城書屢寄梧  
門詩法直欲從頭論

蔣最峯學正

酒杯顛倒不離口墨淋漓滴常在手寵辱於我夫何有石經校  
畢長安居長安貴人爭索書得錢買醉歌聲麤年裘敝矣霜毫  
秃天寒換米畫修竹

唐陶山州牧

十年消受江南春六如祠宇桃花新一官滿酒仍清貧寄柯亭  
子槐陰葦梓鼓無聞海寇輯仙鶴一雙排闥入請君吟嘯官閣  
扁恐有魚龍海上聽

李舒園明府

看書直如習主簿作詩必學杜工部一心洗盡腐儒腐九面衡

山得飽看從前百姓今爲官爲官安得人人歡有書莫繫北來  
雁白草茫茫隔雲棧百姓今爲官

杜海溪大令

清宦十年髮已禿頗悔田園荒杞菊歸去又恐食無粟官貧乃  
益知民貧衙齋秋草高於人一燈黯淡苦吟身柿葉題詩允寄  
我兩清苦痕上紙裏

蔣秋竹知節孝廉藕船大令

秋竹下筆務馳騁藕船造句必新警乃翁詩法各心領興酣抒  
寫芝房歌縱馬夜渡滸沱河君家豪傑何其多才子作官得收  
斂我早願隨學擊劍

郭祥伯秀才

胸中塊壘鬱不滅心似水晶筆如鐵名場時復遭蹉跎寧失不

工句必奇無驚人語生何爲江湖坐是清狂  
書山中著書亦大好  
好一事勸君須及早

金手山秀才

半生工吟復善哭說詩每就詩僮宿酒酣爲我移新竹跨鶴揚  
州又幾年梅花樹底人翩翩青山欲買仍無錢不如襤被重北  
上葛衫一襲鞋一襪

張真樓形觀察

烏絲小楷寫冰詞正是煤山散學時嘆息玉堂不得大抱筆單  
門去何急前身乃墨客花僧歸來風雪荒寒仍禪板蒲團理清  
梵胸中留得光明燈

張蘭渚師誠方伯

賦才卓犖聲摩空雲旗繡旆乘春風始知才大百事舉藉爾詩

書固吾國大行以西風俗淳詩教猶不違先民使者序詩具深  
意轅門何啻鐘鏞陳音人選山右詩存君爲作序

孫淵如觀察

榜眼爲郎自君始一卧江鄉胡不起少年人已稱詩仙中歲注  
意周秦箋白髮蕭騷春夢香索債追逋那堪擾山螢水潔何容  
心買到奇書眸子瞭

張水屋州判

跨驢自走城南北長安書畫爲君得堂上賓客無時無先生醉  
矣干花扶黃金可憐視若土一官又去聽衙鼓劍閣馬蹄巫峽  
雲丹青蘭待閒中補

楊荔裳揆方伯

左手殺賊賊賊血右手疾書指頭裂天山莫辨沉鬼人此時那

復區秋春達人却有遺世想吟聲時逐馬蹄響今日挑燈起草  
仍他年聽雨聯床儻

陳春暉丞大令

下筆偶似蘇東坡豪情至老猶不磨海上彈琴知者聽斯人得  
志吾輩慶關東民較江南淳化之有術官斯親多讀書自氣質  
變鞭扑之下無良民

石璫堂觀察

大廷對策名第一上馬提戈下馬筆見者詫爲飛將軍豈知渠  
是苦吟身畢竟讀書人可用事來心輒分輕重聽猿放鶴可無  
詩手掣鐙歌嬾雅頌

桂朱谷大令

冰斯絕技世罕見六法而今君獨擅樂府一似楊鐵崖簪花騎

象工詠詣君官滇羅兩峯爲七十老人行萬里仍自埋頭亂書  
裏秋水浮將貫月槎蠻烟溼透鳥皮几

顏運生大令

心齋讀書自有樂陋巷風流恍如昨吉金貞石費搜羅籤排  
列何其多酒不傾樽客不起新詩寫遍蕉牕紙訟庭已斷鞭  
聲梅花樹下清琴理

錢梅溪上舍

梅花溪上三間屋日漾東窗客猶宿屋旁新起爲經樓花開不  
見溪水流白雲深處聞笑語知是連番斫玉楮別有奇情寄水  
仙欲往從之隔江湄

李書年觀察

人世誰能齊順逆君改翰林後況君久作玉堂客書生實有經

邦策桃花開罷官垂簾百姓偏說軍門嚴兩年不得接一紙猜  
或黃河鯉魚死夢中却親君杖履

### 魏春松觀察

讀書有暇便讀律生人死人一枝筆幾幾十得無一失翩然跨  
鶴揚州回逢人只說官塘梅觀風今又向鄒魯匹馬西涯踏春  
雨一龕坐對山人語君赴東訪余不值壁間縣孟山人像索筆書百餘言而去

### 趙渭川希璠太守

十指槎枒出光怪不分唐派與宋派劍腎嘔心老未懈斂才和  
我西涯詩清磬泠然江月遲海峯四百三十二峯峯都有君題  
字擬築一庵頂睡

### 馮魚山敬昌比部

少年五岳都遊遍老向魚山磨鐵硯蕭然有如僧退院齊梁風



格周秦腴胸中別具造化鑪詠物當年偶遊戲夫子乃抱昌歆  
嗜每說鄙人識奇字余有詠物詩二百四十首君奇賞之

凌仲子廷堪廣文

柳暗學官白雲爛桃花紅濕讀花案坐聽幽禽春雨喚讀錄讀  
從蘇米齋橋門同賦許衡槐曲故正欲招君問梅花江上絕春  
信相逢仔細看雙鬢

黃東鳴地大令

西江爭說黃解元我早握手槐花門淚痕今上青衫存春官報  
罷先告我說起前遊繫念頗讀書只要能活人由由盡是弄癡  
民吾黨誰與輩藝倫

吳白厂廣文暨令兄退庵孝廉

欽崎歷落真奇才海南但道梅花陪梅花樹底酒千杯萬里贈

我幾行墨借竹寫出古顏色一事寄語阿兄知逢人莫誦詩龕

詩龕中人今兩髻絲退菴喜向人稱余詩

### 舒鐵雲孝廉

六朝文字三唐詩能挾骨髓非毛皮雄才見爾頭猶低衣不禁  
寒食不飽造物由來忌奇巧多君愛看江頭雲朝入鷗羣暮鹿  
羣姓名只許漁樵聞君寡交人鮮知之者

### 師荔扉大令

南園饒詩友惟君在收拾殘書去爲宰老學蛾眉頗心悔白岳  
風雨黃山松可能到處支吟筇馬鞍不及牛背穩記得斜陽吹  
笛返聽鼓人偏散衙晚

### 孫子瀟孝廉

天真閣詩祇兩卷君詩極富類于資先刻兩卷多少才人爲色變我亦眼中

未多見青袍沾漬長安塵歸去未肯輕依人空山晝長書味永  
老爾文章莫馳騁江月無聲花竹冷

劉金門學士

粵西銅鼓手親槎秦岳今又秦碑摩先生好古不泥古瘦句稜  
稜出肺腑昌言北地非正宗却信西江有鼻祖十年許贈翠一  
丸愧余才盡筆聲乾君和余詩有持贈一九翠句

鄭青野天令

堂堂之陣正正旗溫柔敦厚詩人詩黃河風大軍聲急投袂提  
戈先馬立丈夫例得裏戶還誓不殺賊不生入功成細譜太平  
謠鏗鏘雅奏諧咸韶

黃心盦山人

五湖剝爾老烟客匿跡選樓操筆削草鞋淫透岩阿青葛衣涼

鰕魚蝦腥茶竈筆牀略安置  
鷗羣鷺侶多飄零敲門報說寄詩  
到掀髯出迎向詩笑

趙偉堂大令

習花黠浚湮秋井蝴蝶空階抱寒影  
髮髮白髮辭青山十畝霜  
松官閑閑君官安肅地宜松剩字零緜燕市賣殘衫破帽江鄉還寄書  
屢訊盧溝雪前度騎驢怨繁辭

樂蓮裳孝廉

十年酒醒揚州夢二分明月江頭送野人  
調笑豆花棚樵譜漁  
經事事徵鬼語鋪排耳食錄秋聲搖撼讀書燈頭聽掌故待君  
續柯亭日午槐雲綠昔著耳食錄

胡黃海廣文

好詩到口吟不絕好官到手去如驚  
遊遍江南又嶺南無山可

葺梅花庵豪情一牛付流水佳句多年貯石龕自雲歸宿定何處却恐飛同白鶴去

賈素齋布衣

詩人已死君何與碧血無烟葬詩處秘書訪向天盤頭奇情直挾波濤流雲中偶逢探芝客丹文綠字親相投正恐詩魂埋不得星斗之光江漢色

君有詩  
塚之舉

劉笑初

嗣綰  
孝廉

新詩脫口霏春花故人欵戶翩春霞自是珊珊有仙骨修到梅花更明月飄泊江湖又十年青衫仍復詩龕謁此筆搖向明光宮定出奇氣丹霄衝

呂叔訥星垣廣文

我昔逢君賣酒市醉後罵人不識字手攜殘葉扣我門衣間時

帶秋雲痕詩人海內從頭數眼中只有洪雅存與孫淵一別長安  
今廿載聞說諫狂猶未改

王仲瞿孝廉

異書偏工收碎散狂名嘖嘖九州滿飛揚跋扈非奇才豪傑多  
從闊歷來自雲在天迹安託空山無人花自開霜雪盈頭老將  
至一帆春水夕陽遲

王春堂屯牧

鐵甲卸向寒雲裏古寺秋燈檢故紙騎馬夜出彰儀門回頭展  
看西涯水黃鶴樓頭敢賦詩白鷗江上同眠起六韜多是書生  
書才誰復嘲空疎

姚春木上舍

青衫短短三尺長

余謫君年纔十五六耳

脩然謁我彞倫堂骨相不凡果

天驥萬馬誰敢爭低昂  
鹽車之阻毋乃酷豈有天爲非人傷哉  
器晚成詎虛語問君何事自期許

蔣香杜孝廉

早歲金華牧羊客一渡黃河髮半白  
說詩坐熟花間堂尋山踏破雲中屐  
暫棄鉏犁情可憐偶託樽壘事何益  
半畝梅花半畝蔬能免飢寒還讀書

顧歿庵秀才

不畫梅花畫楊柳

君以畫柳得名

青山那堪離別久筆頭洗去春明塵

詩味濃於京口酒西山隨我踏秋雲  
萬朵芙蓉落君手老夫月

下僧門敲吟成好句無人鈔

余遊山諸作皆君錄藁

存素堂詩初集錄存卷十七

柏山

癸亥

樂遊詩

謝薌泉儀部

得酒不問錢有無看花莫辨春模糊方寸自現光明珠萬古照  
此一枝筆奇氣却從肝膈出那管人間有得失金山水瀝焦山  
雲孤情只許江鷗羣詩成報與山僧聞

君遊金焦詩爲江南人士所傳

何蘭士太守

年未四十官已棄膝下兒孫間如織萬卷低昂任醒醉近復寄  
興丹青中櫛煙谿雨春濤濛筆所到處愁能空溧陽夜起陰符  
讀朝行南山去射鹿鐵弓搖搖上寒綠



何硯農民部

方雪齋中新試帖千佛名經衆賞極長安紙貴書一疊秘省退  
昌來何遲瓦燈寒夢繁殘厄正是買鳥祭詩時記得文淵同校  
字石岫冰花耿寒翠被人指作神仙吏

英煦齋侍郎

交心難得從總角鷗鷺翩然友鸞鵲幽抱平生冰雪濯行馬雖  
設東閣展策寔依舊趨堂檐文酒跌宕無猜嫌春訪鹽臺秋退  
谷舊遊猶記街南屋詩成攜就花陰讀

吳衣園編修

武英喫飯文淵宿三萬六千卷飽讀贏得蕭然兩鬢禿春綠猶  
濃接葉亭自鈔茶譜與魚經紅日半窗人未醒枕漱山房山更  
好梨花一樹倚晴窗擬築茅庵此間老

周戟軒侍御

略賣街頭小花竹種向空階動春綠  
白髮蕭疎替補讀臙膠老屋低打頭  
酒波墨潑橫空流醉後狂書力愈道  
笑我兩腕有鬼軀却愛就君講點撇  
賸寬時復藤蘭裂

張船山檢討

峨眉山月清茫茫巴江流水秋浪浪  
鬱結首氣成文章太白仙去東坡死  
大筆淋漓屬吾子玉堂人物那有此  
病嫗持扇永題詩老顛高卧忘朝飢  
東鄰饋酒吁何遲

楊慕寰戶部

才高自下世有幾數奇劉蕡差足擬  
我輩登科真可恥問年愧說吾爲兒  
梅花獨爾修前生澹懷孤影冰霜  
撐案牘如山賊如沸馬上一言百姓  
慰老作史官修典臬

吳山尊侍讀

殿上執筆千言奏江上騎驢梅影瘦酒痕狼籍汚襟袖橫頭玉  
笛吹玲瓏歌聲懷惋盤雲中髣髴鸞鳳翔春空直齋就爾商競  
病天寒不避北風硬筆力凌虛老愈勁

李墨莊主事

天風吹墮我眉顙海氣滌蕩我心花妍歸裝只載詩盈船異方習  
俗入掌錄老蛟噴雨灑紅燭不知門外秋草綠昨年結伴遊東  
山醉倒白石長松間奇文許我從頭刪

李滄雪京兆

游巖翰墨見天性睡起落花紅慘徑脫手新詩故人贈聽猿踏  
遍巫山頭搏虎雄心老未休一生南北隨車舟愛煞丹青八骨  
隨讀書工夫比讀史烟雨蒼茫論萬里

王儕嶠侍御

陳檢討後吳祭酒四六文章推鉅手君於兩家無不有舊聞鈔撮慚無稽依經據史施金鑰何人敢復加訶詆朱衣何因爾我過造物豈真工妒忌莊夢迢迢付掌記

瑛夢禪居士

學佛學仙非本願翰墨偶然破孤悶一巷老矣誰尤怨偶然興到畫山水筆聲在空不落紙雲烟飄飄十指起近舒爪甲摹老鷹四山落木秋棲棲欲揩病眼看飛騰

朱野雲山人

青鞋慣識白沙路破廟荒菴古人墓閱盡春花與秋樹長安賣盡三十年不會收得我一錢詩龔畫龔香火緣山裏報說厨無粟君自蕭然枕石宿客來大叫設酒肉

陳石士編修暨令姪王方主事雪香學士

清門君及交三世匪直少年取科第人人都是瓊瑰器大院小  
院碧玉堂秋曹下筆霏秋霜君子之交滋味長退食閉門高枕  
卧萬卷奇書讀欲破堂上猶聞督功課

初頤園侍郎

耽詩却復章句鄙工書從不筆墨便過眼雲烟心獨喜讀書願  
學皐與夔知無不言敢然疑謂臣熱置臣笑辭對客但與設風  
月清話移時午烟欲離識嚴疆會秉鉞

莫韻亭侍郎

長篇全擬吳梅村一氣奔放中胚瀟灑悲直溯崑崙源詩家特  
喜開生面葩粧炫服出相見繪事何曾素爲絢西風高柳秋聲  
哀攜酒日上黃金臺誰把鐵板高歌來

鳳仲梧孝廉

琴德在心書滿腹始許十年不食肉老傍秋燈耐苦讀下筆不知有古人直以造化爲陶甄此才吾見猶逡巡幽情每說佳山好天涯何處無幽草但恐抽身難得早

王元圃學員外

三寸毛錐一枝箭五更下馬親洗硯青山對面何曾見史館機庭退直遲偷閒猶自鈔唐詩酸寒何減學堂時一事羨君真過我兩郎氣象都磊砢名成當不居君左

張雨岩森太守

宦場閱歷十年久老作長安貧太守一官何日到君手抱琴不肯人前彈世間想是知音難設深時復披心肝馬上題詩憑驛遞對我如何說學製卽此已徵君所誦

詩曾出驛遞詩於唐陶山

卒漁衫 懿會明經

運黜有司不得意雄才那肯爲俗吏背人時墮千古淚黃塵十  
丈污青衫衆中早識君非凡怪他世味殊酸鹹我詩力欲芟蕪  
穢君肯酒酣一編對剪燭商量及繁碎

曹定軒給諫

紫藤花下日月長翠微山色吹滿床老境頗薰知見香幾杯濁  
酒寄歌哭放曠之中見真樸諫草何曾教世讀三舍重修君指  
陳青衿墮淚黃槐門辟雍鐘鼓何人論

尊甫慕堂前  
輩 奏建屏雍

馬秋約光祿

詩筆何啻卧饋強宦情却比沙鷗涼門前秋草如人長湖上梅  
花別幾載月色淒清全未改守梅老鶴知猶在夢裏家山咫尺  
看醒來放筆寫荒寒明年歸去將閉關

劉涪齋錫五侍讀

白玉堂前史成束紫微花下夜剪燭二十年來筆全秃西山好  
句傳江南隨閣下拜稱奇男如何彌勒我同龕隨園稱君及余秋水迢  
迢一城隔半年不到羅含宅展圖望見君標格余藏城南雅集圖首即君像

葉雪素繼雲舍人

丹綽承宣揮灑疾五色雲中五色筆漫比吟風與賦日買盡人  
間未見書秘文與句勤爬梳南山之獵北江漁僻事屢欲從君  
問無稽多恐遭嘲訕幽禽不作人間韻

盛甫山舍人

兩牛鳴地秋泥深雨昏涼寫芭蕉林閉門擁鼻工酸吟藤床移  
近松庵綠赤脚蓬頭清興足午夢遶蓬一枕續作畫何心與俗  
諧江梅山月撼幽懷胸中邱壑誰安排



曹儼笙通政

妙語無獨必有偶造物不過假君手遂說五丁關  
西長歌幽渺猿鶴音短歌淒婉詩人心薰風一曲  
諧瑤琴白日驅車天上至可能消盡烟霞志載酒  
擬從君問字

譚蘭楣光祿儀部

少年文章已老極瘦蛟起舞萬牛力天女原非世間色  
山谷五陵豪氣都擲除寶劍換酒餘奇書一官容得人  
蕭疎病眼新揩擷全蕙南嶽歸來詩律細健筆居然杜陵繼

王春波山人

梨棗丹黃風自落秋衣誰寄江南鶴  
韭菜花繁人羨臚香草美人彼一時月明每觸湖湘思  
鴻離鵠別君何之未肯閉門抱鵲獨半領青衫一盂粟  
能事年來受迫促

胡雪蕉 永煥水部

十年冷浸兼葭霜，瑟在御書在牀耳。  
根浩浩松濤，長驢馱盡。篋船載酒，又折春明門外柳。  
醉倒堦前筆在手，生平愛讀王維詩。  
雪裏芭蕉夢見之，石交珍重冬心持。

吳玉松 雪編修

老眼無花識，奇字手採湘蘭本。  
無意門下門生，天位置

君佐橫

生學慕拔卿，卿泉卷後  
前泉典試江南，君獲雋  
翔步玉堂，今白頭棕鞋藜杖思。  
前遊野懷不減春江鷗，閉門最怕酬賓客。  
苔花隔斷子雲宅，我每衝寒蹇驢策。

蔡生甫 編修

草堂花落無車塵，冬心老子和如春。  
疲驢隘巷愁詩人，食盡黃齏三百甕。  
竹毛松脯山翁送，玉堂慣作江湖夢。  
一方鐵硯墨千

螺白髮蕭疎人共磨我欲換字慚無鵝

涂淪莊以勸主事

夜堂疎雨槐陰綠欲睡猶燒兩寸燭牘字殘篇爲緝續余詩君會爲緝

訂我一詩成君每來千紙掃盡秋陽隤惡詩佳字人疑猜余詩多君

爲代城南近日疎樽酒蟹紫菊黃何處有烟寺淒涼餘萬柳

陳旭峯助教

出門大星猶挂樹烟水橫街不得路三兩黃牛一白鷺蕭然貧  
宦同孤僧松花如雨沈秋燈書聲滿耳呼不磨破篋殘縑堆滿  
案老眼看花能不亂多少鴻文經點竄

胡蕙麓大令

黃葉斜陽踏秋寺山僧未起君先至爲贖西涯墓門地西涯墓地君贖

歸盛事重開北海樽紛綸古墨衙齋存一字直欲千金論君重北

海碑嵌壁間懸古  
墨齋扁于前楹  
人間有此好縣令  
吾輩更代百姓請勿僨誇  
張詩筆橫

陳雲伯孝廉

定山堂筆無此健  
定香亭裏名獨擅  
詩格年來凡幾變  
豈但文章光燄長  
逸才奇氣誰頗頗  
勁敵只有楊葵裳  
梧桐樹底邀君坐  
西涯短句從頭和  
妙義王裴未窺破

同人集極樂寺胡雪蕉贈詩依韻

風雨蕭蕭屋數椽  
被人誤指作神仙  
病蟬吟苦吾方愧  
孤鶴聲低世漫傳  
幾樹斜陽黃葉寺  
一湖秋水白鷗天  
蒲團禪板蕭疎極  
莫論前賢與後賢

閒園種得萬林松  
白柄長鑱退食餘  
月氣涼生前夜雨  
蘚花綠上故人書  
酒懷不在舉杯處  
詩味要參無字初  
欲就高齋商競

病城根積潦屢回車

極樂寺和韻

却病無良藥看花有故人  
愁方託樽酒老益愛松筠  
極目青山遠搔頭白髮新  
鈕型青葉置望歲意偏真

慧聚寺拜裕軒曹慕堂二先生祠

行過萬松更無路清磬一聲秋  
殿住病衲指言二老祠遊人憩  
息爭題詩拂苔先認碑間字  
二老當年舊同事鷗鷺無猜共起  
眠梅花明月三生緣滄江轉徙  
青山裂惟有此心能不滅石龕  
炯炯光明燈靈旌翠羽神所憑  
詩成欲就二老問俗筆如何出  
遠韻回頭雙鶴雲巾翔曳杖  
吾自循長廊

陳原舒雪蕉圖爲胡水部賦

東緣犯雪威新紅借冰色  
未肯隨時移回天倘有力  
榮悴空山

中俯仰長自得秋雲與舒卷夜雨相掩抑只有纏綿心不受風  
日蝕雙鶴爾何來翛然茲栖息

歎逝詩二十首

袁子才太史

乾坤歛奇氣腐儒守鉛槧大樹忽飄零蚍蜉肆搖撼匪公自信  
深後人議何敢異竟金碧光不爲沙礫拚

羅兩峯山人

長安大雪中梅花寫斜插三五冷澹人就君究筆法微雪簾底  
飛春風吹恰恰看竹慈恩寺繫驢清水關

在李公橋南

汪雲壑贊善

詩城屹如山酒國曠若海愁來輒不禁詩酒老頗悔溫飽豈初  
願何至屢餒餒南萬里歸瀟灑文章在

江秋史侍御

日月送瀟灑江山寄高曠家具米芾船風流馬融帳白雲何所  
適青山逐汝葬可憐金薤書弗入秘密藏

程蘭翹學士

心境太清虛腹笥却華瞻簾簾終日垂萬竹園成塹自守詩律  
嚴那知洒波艷一從賦玉樓豈復人間念

武虛谷大令

判古筆猶刀看書眼如鑑嶽嶽氣自奇吶吶言毋儼半生受官  
累老喜被山賺探幽淨業湖人鷗一波泛

許石泉編修

官書夜猶勘寺鐘午已擊三年直清秘百事付荒寂幽元藉闡  
揚謬誤荷指摘醒吟思舊詩惆悵山陽笛

鮑雅堂郎中

紅綾餅許啖，綠衣誰識讀書三十年。未得讀書力，偃蹇古梅  
花。受盡冰雪逼，惆悵春風中。不作桃李色。

徐蘭齋州牧

弱水不可渡，秋湖放夜艇。孤懷馬上多，瘦影鷗邊迥。白日照心  
寒，春風吹夢醒。半生困凋瘵，萬事付酩酊。

邵二雲晉涵學士

註疏日益繁，考證日益密。若能滙羣流，源委指一二。語弗涉依  
傍，典必徵切實。秋聲不在指，却向指間出。

陸僕堂廉訪

鹽車困多時，雲路復中蹶。勉強買青山，蕭騷怨白髮。人咎志願  
奢，我惜才力竭。何不十年前，扁舟弄明月。



王荊亭太僕

筮仕已廿年讀書只一閑倉山置詩郵謂哀子才君爲司秘鑰臭味

雖不差諍書却頻例與袁論議不令每以書規之卓哉道義交不徒重然諾

范叔度太僕

大似落拓人每膺艱鉅任天外冰雪深鬪體亦堪枕獨餘忠愛

心退食氣殊凜如何憂患身倉卒受祿祿君以服災受疫氣不起

李鳧塘驥元中允

妙手工刻劃奇情善剡剡老境造平淡半生事幽險二十四泉

篇草堂手自檢至今明湖水猶受殘墨染君東遊詩甚佳

李介夫如鈞編修

幽窓裂藤繭夢破寫淒瀟覽茲句勁嶮稱爾貌寒癯老妻太解

事有詩誠來論君易簪室人卽收其所著錄藏之密吾恐精魄

論人忌鬼亦慄

龔海峯太守

梅花明月篇取譬君文境朱梅湄主試陝西評君擬程滿地皆梅花何處着明月文境似之二語乃  
余詩吾謂句平淡未足喻奇警年衰百念灰官久雙眼冷去臘  
拜東坡側聞語哀哽去臘十九日拜東坡象于蓉袁齋中猶及君說詩論文不五日而君沒

王夢樓太守

海氣與蠻烟蒼莽收筆下抽簪三十年林泉自瀟灑飯衣繡佛  
前華嚴經默寫詩參書畫禪風格似梅野

陳花農隸詹事

緩步石龕來馬聲止林外我喜故人至倒屣忘束帶南嶽七十  
峯芙蓉與紫蓋宛委落餘青陰森萬松檜君督學湖南半年而歿

周霽原太令

錦綈裹異書走謁約西屋深杯佇涼月短衣掛斜竹伊余兩眼  
青及爾雙鬢綠閒心負白鷗壯志摧黃鵠

袁雙榕大令

山奇在峯多文奇在筆妙鼓篋來橋門三年共言笑酒酣寫我  
詩余詩成君字裏出危峭病髮北風吹離懷孤月照

劉松風過訪不值畱示新詩和韻

蓬蒿雨後高於屋水氣如雲路不通怪爾白頭老詩客八年重  
爲寫屏風

坐破蒲團尙鈍根一年一認雪泥痕余類年而今擬築盤山屋  
飽喫黃精自閉門

宣和鸞研歌

道君昔御宣和殿卽墨侯封文繡院龍尾池頭載石來萬工畱

得幾方硯至尊自署宣和人御書刻石端禮門柳外鶯歌聽百  
轉腕間筆力迴千鈞金衣半覆鸛鵲眼玉几含毫興不淺軍報  
燕雲戰馬馳史書良嶽靈芝庭太清樓下朝公卿汝州馳奏麒麟  
生十行手詔紀嘉瑞上林春雨鳴倉庚龍德官中稱教主此  
硯朝夕經摩撫幽魄長留五國城貞珉却返臨安府淪落江湖  
數百年宣和兩字人多憐拂拭泥沙出光采似有蟾蜍清淚在  
君王徒事交房工一任半壁山河空至今紫塞卧秋草慶雲長  
繞飛來峯

良嶽慶雲峯  
今在三座塔

范文正公石琴歌

雲層鏤空石骨斲落霞爲琴春波濯內官捧出太清幄龍圖老  
予班師歸鬼章奏凱三軍威官門詔許朱絃揮天章閣開十事  
上規模濶大氣骭髀誰與阻者章得象功高受賞朝廷恩黃金

百兩分軍門清琴獨欲貽子孫貢馬惟三琴則一琴賜仲淹臣  
愧慄世守勿替仲淹筆西夏當年戰霧深枯桐不可撥黃金獨  
爾太璞情情惜客坐高堂想巖谷楚峽猿聲巫峽續細雨生寒  
在深竹拜命攜歸政事堂戎衣何暇瑤琴張一彈今日薰風長

陸放翁藏東坡硯歌

坡仙一字值一絹況乃當年手製硯放翁愛讀斜川詩此硯却  
是蘇門遺萬里風烟雙髻改石交幸有陶泓在草書學張行書  
楊龍蛇八腕神飛揚

陸詩有草書學張顛行書學  
楊風又有龍蛇八腕神句

生平知己黃

祖舜書曰二府誰能信嚴陵山水臣拜嘉九重詔對筆力誇寶  
章閣下待制誥歎息臣年已衰羣良硯之利良田過龜堂詩老  
詩真多南園撰記翁負汝東坡手澤自千古後人見硯知翁心

南園記卽南園箴

石琴室聽泉

生平抱幽尚所居厭塵俗名園許臨眺放眼入空綠小憩石琴  
室無絃理亦是水聲何處來泠泠與石觸江海隨在有千古自  
洄洑不事疏濬功焉得秋氣蓄涼沙白一汀土花紅半谷主人  
興不淺平地起林麓風蟬瘖不語草蟲寒以絢似聞天河傾瀉  
作珠萬斛廬堂傳鼓鐘別館應箏筑此真是天籟弗受人杼柚  
尙除月明時石琴鼓一曲天風振蕩之吾當短歌續

題陶然亭雅集圖送陳竹士基

年年新雨後此地一凭欄秋已先人到花寧禁佛看才高多縱  
酒謂款金溪張船山詩好不宜官誰回關河去匆匆事馬鞍

次樓村道中四下葬地

次樓老樹鬱蒼蒼一路泉聲引興長今日始知驅背穩曉嘯頻

年深悔馬蹄忙白沙溪外過秋雨黃葉村西尙夕陽  
賈島祠堂半榛莽却畱新月照僧廊

入孤山口

百屋八九家斜陽三兩樹寥落不成村漠漠入山路  
羨爾採樵人竟隨飛鳥去驢背望白雲悠悠向何處  
萬仞青插天一線隙可度山靈厭俗駕面目肯輕露  
低鬟媚晴昊高髻擁寒霧吾將學蟻行前途曲折赴

接待庵小憩

行觸碎石聲隔溪鐘磬敗柳支作橋只許一人踰  
老僧如病鶴負暄披破衲自言三十年茲庵遠客納  
路仄花擁門屋低苔上榻四山惟一青不受纖塵雜  
清泉到處流誰復攜瓶榼

發汗嶺

掩關日靜坐筋力益形憊意氣時自豪歲月嗟已暮  
來爲了行脚債有空蛇易藏樹危猿不挂前人踵  
未穩後人頂已屈幾有傾覆危豈止垂堂誠要知造物  
奇往往出險隘喘定自猶眩沈病喜已瘥

雲梯

百斷天忽空雲入綠無縫大風挾人行獵獵九霄  
送生平局促懷至此乃豪縱殘霞一桁低飛瀑四山  
動鳥喧驚落花鐘響梵寒夢笑彼古仙人往來白鶴  
鞚

兜率寺

濕翠散遠風丹碧紛斜陽僧寮如鳥巢與樹同低昂  
茲寺恰山半磊磊居中央魚板澹詩夢荀脯餘寒香  
海棠十葩花倚破僧人房三里松栢陰宛轉成迴廊  
禪榻支別院步循新月光



止宿文殊院

路轉聽梵橋一松間十竹偃偃松竹中窈窕出佛屋僂病怕迎  
客山厨飯已熟我愛繡木瓜襍被樹下宿蚊蚋秋不擾鐘磬夜  
相續幽淙漱石齒時與殘夢觸欲窮仙水源隔溪虎飲綠

觀音堂

北地看梅花多在盆盎中空山地脈暖緣喜披秋風此時雖無  
花已不凡材同經霜自深碧漑雨紛幽叢僧云佛力護雪謂靈  
氣鍾勸僧加愛惜未可虧人功擬當雪後來坐對千根紅寄詩  
鄧尉客吾亦支吟筇

摘星陀

空天不可上茲陀天盈咫尺望之何所見一氣但青紫倦輒憩石  
陰衣邊落松子萬磴歷已盡一墮悵無倚樵者雪中歸遠通天

外指我欲賣餘勇霧雨溟溟起巒岫候不見泯泯桑乾水

### 雲水洞

板扉開復掩石筍爭突兀僧腰繫葫蘆取水弗顛蹶勸客少休  
息燒火煮薇蕨言自秋雨零洞水適陡發青蓮不可見處處皆  
花沒草根翠易濕石頭路尤滑破樓敲晚鐘松梢上新月

### 華嚴龕

不聞五丁驅却有巨靈迹當年華嚴師曾此爲窟宅洞口吹來  
雲散漫半山白傳說花開時騎驢有狂客傾樽醉花陰三日卧  
寒石我亦看花人何年一龕闕

### 一斗泉

山骨不嫌瘦姿態旣愈出想當混沌始磅礴具奇質此泉潤澤  
之永煥太古色松畱秦代雪韭曝堯時日鶴咳四山應雲起千

峯失樓臺脚下斜星斗髻邊直我欲寫入詩愧乏靈運筆

中院尋天開寺遺碑

傳聞六聘山霍原教授地延佑虎兒年勒碑天開寺我來尋斷  
碑剝幾蝕餘字築場今打麥登堂昔委贄殷勤告牧童此碑漫  
汚漬牧童但含笑側身倚碑睡

歸宿懷德草堂

暫息登頓勞遂忘行旅苦欲問某醉醒不辨誰賓主炊烟沒入  
雲車聲遠疑鷗山近秋雨繁林暗大星吐

雲居寺

五步一梨花十步一松樹我來非春時白鳥導前路雖乏峯岫  
奇却饒水竹趣豆青肥可摘柿丹圓似鑄煨芋更煮笋草草麥  
飯具隱几聽泉聲更益烟霞痼

小西天石經堂

荒榛敗棘中  
姽婁見雲巘  
翠拔峯棱棱  
雲覆迢迢  
宛宛土花紅  
入井柳葉黃  
隔阪欹奇石  
經堂創自隋  
靜琬從古願  
力堅流傳必  
久遠緇流尙  
知此吾儒盍  
自反

別懷德草堂留贈劉潛夫  
王衡秀才兼示徐竹屋  
進士閭致堂孝廉

雲水無定蹤  
金石有至性  
我非山中人  
而特頭陀行  
百里致一書  
五日宿六盼  
草堂本無塵  
秋雨洗逾淨  
離花受風軟  
盆石出水硬  
深情託雞黍  
虛懷商競病

徐公慷慨人  
閭子敦樸士  
飛騰各有時  
煙霞豈無意  
水漫道元鄉  
雲迷賈島寺  
抵掌話深夜  
勝讀房山志  
煩君盧溝橋  
爲我蹇驢輶  
楓葉與桃花  
一年我一至

發次樓村歷花梨坎抵戒臺宿

青山送馬蹄紅日炙客背車行七十里仍復在山內樹老秋葉  
稀年深古廟廢隔溪三兩家一犬向人吠掃石歇片時水外鳥  
聲碎峯翠宛宛接積霧冉冉退始知南山雪不入北山隊忽聞  
天半鐘迢遞引吾輩松借新月光十分出姿態鬚眉映微綠衣  
袂染淺黛禪榻何處支捲簾松影對

由戒壇抵潭拓寺

老櫺染新霜已紅三兩葉初陽烘客衣薄霧散馬鬣漸覺孤村  
烟濛濛隱山月峯頭翠屨斷洞口雲忽接秋草卧鳥健菜花亂  
黃蝶我來不憚煩欲補從前缺衲子歛故人蒸藜更烹蕨一如  
溫故書又似臨舊帖事歷跬步間境習幽賞愜諸客任登蹇我  
自竹廊歇

猗玗亭新竹

朝撫戒臺松暮倚岫雲竹遂覺四山青不及一窓綠憶此三年  
前我曾留信宿病篠困渴泉對客每羞縮茲來重握手爲我祛  
塵俗清風託故人萬遍看不足

方丈院殘桂

上方一山梅潭栢滿院桂北方殊罕見地氣此獨異巖谷得秋  
早連日況新霽不知何處香暗襲人衣袂僧鉢飯味永雲堂  
縷細誰修鼻功德禪扉半日閉

潭柘午齋罷紆道西峯寺小憩仍宿戒臺

山鳥催客行日斜隔溪喚林杪別徑懸草色一橋斷樹圍茆茨  
密雲撲馬頭散荒寺烟火稀石幡倒井畔老狐睡松龕饑鼠拱  
佛案何人此布金當年起危觀清磬猶蕭疎貝葉早壞爛回頭

月已墮  
鼓響天半

答韓桂舟對廉訪

兩接湘南書  
半年疎報謝  
披圖故人遇  
翦燭秋雨乍  
愛君詩句  
清想見政多暇  
危樓一鐘送高林  
萬葉下遠山  
月已吐百回吟  
未罷香草遠  
難寄徘徊念  
中夜遲雲岳  
麓間頭白一庵借

抵戒臺重謁裕軒慕堂兩先生祠堂

雙扉又向翠巖開  
千樹斜陽滿院苔  
鐘磬無聲蛩自語  
雲霞有路鶴頻來  
幾人濯足桑乾水  
二老皈心般若臺  
三面欄干重徙倚  
松陰深處獨徘徊

朱野雲畫小西天

峯頭黃葉掩洞口  
白雲封廢井  
秋無水荒庵  
午不鐘石奇踰作  
虎松老臥成龍  
欲乞丹砂術  
吾將勾漏從